



Ассаламу г'ялайкум!

БАРХЪДЕШЛА ГЪУНИ

РАЙОННА ЖАМИГ'ЯТЛА-ПОЛИТИКАЛА ГАЗЕТА

№ 31 (81340), АВГУСТА 7, ЖУМЯГІ, 2020-ИБИЛ ДУС. БАГЪА 4 КЪУР.

«Путь истины»

1938 ИБИЛ
ДУСЛИЧИБАД
ДУРАЙУСИ САБИ

ОСНОВАНА
В 1938 ГОДУ

У Ч Р Е Д И Т Е Л И:

Администрация МО «Акушинский район».
МБУ «Редакция газеты «Путь истины»
муниципального образования «Акушинский район».
Акушинское районное Собрание депутатов.

В администрации района

О ПОГАШЕНИИ ЗАДОЛЖЕННОСТИ ПО ТРАНСПОРТНОМУ НАЛОГУ



На снимке: М. Абдулкеримов, М. Исмаилов, Ш. Гаджиалиев, А. Абакаров, Э. Гасангусейнова среди участников совещания.

погасить задолженность. Эти средства пойдут на ремонт дорог и улиц сел района».

Старший инспектор ОГИБДД ОМВД РФ по Акушинскому району Муса Османов, выступая на совещании, рассказал о ситуации со сбором налогов с владельцев транспортных средств.

«Очень много транспортных средств, которые давно проданы или пришли в негодность, но они числятся в списках ГИБДД и в налоговой инспекции. Также в списках имеются лица, которые умерли, а налоги на них идут. Главам сельских поселений нужно провести работу по актуализации списков владельцев автомашин. Информацию о проделанной работе необходимо представлять до 25 числа каждого месяца». - сказал М. Османов.

На совещании также были обсуждены вопросы подготовки и проведения праздника Курбан-Байрам в соответствии с рекомендациями Роспотребнадзора.

Пресс-служба администрации МО «Акушинский район».

30 июля глава района Махач Абдулкеримов провел рабочее совещание с главами сельских поселений по вопросу сбора и погашению задолженности транспортного налога.

В совещании приняли участие работники администрации

района, сотрудники ОГИБДД ОМВД РФ по Акушинскому району, службы судебных приставов.

Открывая совещание, Махач Абдулкеримов сказал: «Уважаемые коллеги! Мы с вами провели большую работу вместе с

налоговиками по сбору налогов. Однако задолженность по транспортному налогу по району составляет более 140 млн. руб. Надо провести разъяснительную работу с владельцами транспортных средств о необходимости

Нушала районнизибадти машгурти адамти

АХЪАЙ МУРТАЗАЕВЛИЧИ --ХАЛАСИ БИРХАУДИ



Россияла Гилмуртала Академияла Дагъиста Гилму-ахтардила Федеральный Центрла председателъла къуллукъличи деклараварили сай Ахъай Муртазаев.

Ахъай Къурбановичли Центрла руководителъла къуллукъуни дусахъули калунси сай. Выборти дарибх'ели Муртазаев ил къуллукъличи цаурк'или декларавариб.

Муртазаев Ахъай Къурбанович ак'убси сай Ахъушала рай-

онна Мух'ела шилизив 1961-ибил дуслизив. Иллини Ахъушала цаибил номерла урга даражала школа мургила медальчиличил таманбариб ва Дагъиста Пачалихъла Университетлизи керхур, х'унт'ена дипломличил илра таманбарибсири.

А. Муртазаев физикала ва математикала Гилмуртала доктор сай, Россияла Гилмуртала Академияла член-корреспондент,

Дагъистан Республикала Гилмуртала урибси х'янчизар сай.

Гъалав А.Къ. Муртазаев Россияла Гилмуртала Центрла физикала Институтлиси бек'идешди-рули калунсири.

Районна халкъла шайзивад Ахъай Муртазаев илгъуна халаси бирхауди бихъниличил мубарак-вирулра ва сунела бузерилизир дахъал сархибдешуни диубли дигнира балахъулра!

НАЦПРОЕКТ «ОБРАЗОВАНИЕ»

В 2018 году в нашей стране начал реализовываться национальный проект «Образование», который был принят согласно Указу Президента РФ от 07.05.2018г №204 «О национальных целях и стратегических задачах развития Российской Федерации на период до 2024 года», и который является развитием одноименного приоритетного нацпроекта, стартовавшего еще в 2016 году.

Паспорт проекта был утвержден 24 декабря 2018 года.

Реализация проекта рассчитана на 2019-2024 годы.

Развитие и реализация данного нацпроекта преследует две основные задачи.

Первая – обеспечение глобальной конкурентоспособности российского образования, конкретно – вхождение в десятку ведущих стран мира по качеству образования.

Вторая задача - воспитание гармонично развитой и социально ответственной личности на основе духовно-нравственных ценностей народов России, исторических и национально-культурных традиций. Исходя из этого, мы можем сказать, что это нацпроект с двойной задачей (внешней и внутренней), которые друг друга не исключают.

В рамках национального проекта «Образование» во всех субъектах РФ реализуются следующие федеральные проекты: «Поддержка семей, имеющих детей», «Цифровая образовательная среда», «Современная школа», «Успех каждого ребенка», «Учитель будущего», «Молодые профессионалы», «Новые возможности для каждого», «Социальная активность», «Экспорт образования».

Бюджет нацпроекта составляет 784,5 млрд. рублей, треть из которых направлена на реализацию федерального проекта «Современная школа».

Куратором нацпроекта выступает Заместитель Председателя Правительства Российской Федерации Татьяна Голикова, а куратором является Министр Просвещения Российской Федерации Сергей Кравцов.

В рамках нацпроекта к 2024 году планируется полная ликвидация обучения в третьей смену, модернизация профессионального образования, в том числе посредством внедрения образовательных программ, охват 80% детей от 5 до 18 лет дополнительным образованием, проведение мероприятий по различным направлениям добровольчества и многие другие.

Более подробную информацию вы сможете найти на сайте p05.навигатор.дети и gmcrd.ru

М. Мях1яммадов,

ДР-ла культурала урибси х1янчизар,

СССР-ла журналистунала Союзла член,

поэт, журналист.

КЪАДАРСИ КЪАДАР (Поэмализирад бут1ни)

Х1ура рахли ах1енси
Вак1или бек1х1ейрули».

Се тях1яр клеба дила
Нешличиб, наб дурхъаси,
Сен сая, вишт1ал узи
Нуни г1елав ватурси?

Х Х Х

Ирис : «Алжайзиванра,
Х1уша, урши ва узби»
Ил аргъахъес виалри
Х1ябра х1улбурк1и рузби.

Къабулдалли сар, ирис
Аллагъли чихъти балгни,
Дирцили умудалли
Лерилра бунагъуни.

Х Х Х

Къадарбиалли, бургис
Итат1иб юлдашунни,
Ирис, «Х1ера, вак1ира
Вархъватурси х1ушани».

К1ебри ирис, ик1ат1иб
Ванза вавна бухъули,
Талих1ла бурх1на дурх1ни
Гъар барх1и бумх1яхъули.

Буч1улри ирис, ахъли
Х1ушала белк1анани,
Дарга чебях1бирули,
Делк1и, дархъдатургани.

Х Х Х

Чейис Гъазимбег ишав,
Каргъурти дугъби дурган,
Даргала партизанти
Чихъ-чебях1ли чебиан.

Айгъиртас лут1и-г1ябул
Хъат някъба адирхъяхъян,
Тупангла х1яралабад
Х1яйран далай буч1ахъан.

Къукъу-лямц1лизирадли
Къалиянти улкахъан,
Бех1 бугаси турличиб
Т1ашла делхъли булхъахъан.

Х Х Х

Ахъ-ахъли ирис: «Сенрив,
Юлдаш, х1у, Амир-Гъази,
Урхъначила лякърти
Кархъулрив назмуртази?»

Къяг1яхъулрив къариби
Дургъути рамчанази?
Къирбирулрив хъямчиби
Къябик1ули къукърази?»

Къурушма къагъбарибти
Къугъали къунзбик1ули?
Къугъназибти къуртмаби
Къух1бизахъес вирулрив?»

Х Х Х

«Сен калунрив, Г1ях1мадхан,
Жанван дарганти диган?»

Даргала рурсби бег1ла
Чихъси мерлаб чебиан.

К1еб ик1ат1иб кагили,
Дубуртиван чебях1ли,
Чинаралра цалраг1ер
Х1яя х1егъх1едирули.

Гъаниркахъулри бахъли
Ик1ат1ив х1у, Г1ях1мадхан,
Даргала ургубала
Сагъти белк1ана велг1ан».

Х Х Х

«Эй, ванашикан Рашид,
Се тях1яр леба х1ечиб?
Ишабра бургх1ебургар
Х1ед дурхъаси дурх1начиб?»

Хъатбик1ахъули дурх1ни
Булхъахъулрив мукъара?
Даршубалли бих1улрив
Мукукурар къяцара?»

Вирулрив гъайдик1ахъес
Арцанти бишт1атази?
Илди дучили дикес
Дурх1нала х1язанази?»

Х Х Х

«Сулейбан, ишат1ибра
Башулив, х1ечи г1ях1ли,
Вархъх1етурли левалрив
Гъаннара сабур, ях1ли?»

Хъалиц1а дулх1ехъули
«Дерхъабтала» т1амрани?
Х1ечи гъуни хъумх1ерта,
Баласра, даргантани.

Юх, юлдаш, хъумуртули
Ах1ен ик1ав Батирай,
Х1уни чевях1варибси
Поэзияла дарай!»

Х Х Х

«Гъазимях1яммад, сенрив?—
Гъанбиркулив «Замана»?
Буч1ули саб ил ик1аб
Бархибкъира замана.

Х1едван лук1анти диган
К1ер рузули Салимат,
Даргас марси, кагибси
Вег1ебш, сунела жан дат!

Юх, ах1ен камбик1ули
К1еб сагали лук1анти,
«Замана» газетала
Х1урмат ахъли биханти!»

Х Х Х

«Ахъушан Писки, х1ела
Къакх1ебиублив къалам?
Къирбирулрив ишабра
Къурумсакъунала къам?»

Велг1улрив масхургани
Дулх1ехъули гумайти?»

Балас, хъумх1ертни, балас
Х1уни г1яра бурцанти!

Х1едурдили лералу
Чакмара, сур къап1ара,
Лебу, кайили лук1ес
Х1ерк1ла дублаб къаркъара?»

Х Х Х

«Сабур сигх1ебарили
Сагъли бих1ибси, Ильяс,
Юлдашунани ишав
Х1у цайли х1елтни балас.

Даргантани дуч1ули
Сари дарганеллаби,
Амма гъачамлис к1ерал
Кали гъарац1ти дугъби.

Х1у вик1уливан, далц1и
Ах1ен умудиубли,
Калунра дугъби далц1ес
Бажардих1едикили».

Х Х Х

«Айдимир, х1у чинаврив?
Чина урдабяхъилрив?
Х1урхъан Пат1иматхъали
Баргили бек1ирулрив?»

Бархъдеш чебях1бирули
Лук1ули х1ерирулрив?
Сергокъалалантази
Рух1 лякърдик1ахъулрив?»

Писки Мях1лис лебхуси
Ханжал чарбарахъирив?
Илра илав чеили
Савгъатлис гъабуцирив?»

Х Х Х

«Насруллагъ, назмуртани
Лук1улрив х1у ишавра?
Ирисра: «Карц1иубли
Х1у чезс ну вак1илра!»

Х1ед дигуси т1абиг1ят
К1еб ик1ат1иб батбухъи,
Итх1ели удатурти
Ядми заки адухъи.

Нушачил варх ках1елун,
Ишав ургар, Айдимир,
Варга илну, бемжахъи
Назмуртачила хабар».

Х Х Х

«Салам, ирисра ахъли
Ик1аб диги бих1ибти,
Х1уша ишар, рух1 ик1ар--
Нуша-ургар миц1ирти.

Х1ерираси, гъар барх1и
Дуч1ули чихъти балгни,
Амма анц1дукъестири
Х1уша агарти бурх1ни.

Ирис, цацабех1ти к1еб
Мер къакъати ик1ат1иб,
Гъарилла рух1 гъар шайчи
Арцес мер леб ишат1иб!»

Вявьиру, мурт вявьалра
Итат1ибад набзира,
Аркъяс г1ур чех1едиъна
Даргара даргантира.

Се къадарлил х1ебалас—
Алжана, я жагъаннаб,
Рух1 пархдухъи арцури
Урдабирхъурал чинаб!

Дарибти вайти г1ях1ти
Умцлаличи кархъурал,
Багъес къиянни саби
Чидил шайчи урхъурал?

Ну чина викаслира
Рух1 кавлан гъаваличир,
Чархла лерил бирк1анти
Детихъур ванзаличир.

Х Х Х

Балас, бег1 гъалав ишав
Гъунивиур наб урши,
Вахъ жявли арякъунси
Диршайчи хъучир арши.

Иру! «Дудеш, сен клеба
Ик1ат1иб дила узби?
Х1едеръубли к1ералу
Нешла х1улбазир нургъби?»

Дец1ла ц1ализир саррив
Гъаннара дила рузи?
Вирасри, чарулхъаси
Ну чеахъес илизи!»

Ца уршик1ун ишав лев
Вишт1ал сели виркъули?
Х1ела- халал дудешла
Х1урмат-хатир дирули?»

Х1у чеибх1ели гъала
Гъамадли дуц1улхъули?
Илизив ну чейули
Х1улби нургъба дирц1ули?»

Х Х Х

Сабухъи, лябкъян мякъла
К1елра узи дигути,
Нургъбала шарубазиб
Рузби г1елаб батурти.

Ганзи ахъбурцух1ели
Къагъдеш чедиухъунти,
Симкъла т1амри дусмадли
Гачх1еркули калунти.

Хъарбиу: «Чебаргъилив,
Рузби, бег1ла дигути?
Дахъх1ири ках1ерхули
Ч1ярла т1амри дахъ ахъти».

Х Х Х

Бек1 ахъбурцу уршила
Уршини, пишвахъили:
«Вак1ирив, хала дудеш»
Или хъябруцвирули.

Диги ахъес х1ейубра
Ик1ав, зяг1ипли кали,

БАЦІЛИ ЧАТІАЛА ПУКЪА...



**Хлериזורра бурхани,-
Бацли чатіала пукъа!
УркІкавхъунра ну, хапли
Бакіли уркІи къакъа.**

**Ну шакалра хлейкили,
Хлеб ардякъи дуили,
«Гямрура илкъяйдали
Аркъути вара» или?!»**

Гямрулизивад жявли аръякъунси Мухлела шилизивадси поэт Къидди МяхІяммадла илди гехлел тугъли адам мурхъли пикриулхъахъули сай. Марлира, сецад къалабали аркъулил гІямру! Яни сабаибхлели, хлеб даклалри жяв-жявли или хлерли кадирулра, выходнойти, байрумти садаахъес къандирулра, «жягІял ит бирехле, иш бирехле» или пикридиклулра, жягІял севандиэс дирехлел—иличила хъумуртулра. Дурес камти хледиалра, дусмира жявли аркъули сари, замана тІашаэсра агара ахъри!

--ПатІимат Аминовна игъбарла адам руили сари—гехІцали дусла къугъати гІямрура деркІиб, Дуббуцарла дурхъаси базлизир ахиратла хъулира аррякъун!—чумал адамли буриб илгъуна пикри ва ил убьяхъесра чилилра хлейрар.

Наб бурес дигуси —сунела у ахъси хІурматлизиб бихлес бажардирикибси, сунела баркъудлума цархІилтас гІибратли детаурси ГІябдуллаева ПатІимат Аминовнала пергерти хІялтІабигІятличила саби. Илизир бекІлил хледири цархІилтаци гъими-къяс, халарурхни, чисбиалра децІагахъес къас. Мурталра рири разили, уркІичерли, цархІилтира уркІичеббарес рузули, сунела гъайлизиб бугаси масхара барх башахъули.

ПатІимат Аминовна сарри Даргазив машгурси гІялим, писатель, поэт Сагид ГІябдуллаева узила рурси, Мухлела шилизиб халаси хІурматла вегІ, дахъал дусмазив школала директорли узули калунси МяхІяммад Къадиевичла гІямрула рархкъя, 55 дус педагогла санигІят бузахъули калунси ва дахъал наградаби касибси мугІяллим, духули, бяркъебли урегал урши-рурси абикъурси неш.

Уршбазивад ца--Тимур МяхІяммадович--сунела неш-

дудешливан педагогла чебяхІси санигІят чебикІили, дахъал дусмазив Мухлела лицейла директорли узули сай.

Ахъушала районна хъунул адамтала Советлис вецІани дусмазир бекІдешдирули калун ПатІимат ГІябдуллаевани. Раши шимази, махъурбази, школабази, ахтардибири, башулил дурхІни, хаслира рурсби, бучлес, къайгъибири илдази багъуди казахъес.

--ГІергъити дусмазиб нушаб чевкъули саби гъала-гъала нешани бяркъличи бикахъес, гІур--рурсбала бяркъличила гъайдиклес.--рикІули рири. Къабулбиркули хлебири цацабехІ бегІтани чула дурхІнас дурхъати телефонти ва палтар исни, илди цархІилтазибад декларабулхъахъни. ПатІимат Аминовнала къайгъиличил бегІгъалаб Мухлела шилизиб бучІутани ца журала палтар дихуси тяхІяр кабизахъур ва ил цархІилти школабазибра гІебасиб.

«Ишдала леб, дила агара» или гъанбикахъес, дурхІнас децІагахъес асубируси ахІен!»—рикІусири ва ахъри лебти адамтази, хаслира сунела узикъар, Мухлела СПК-ла руководитель ХІябибулла ХІябибуллаевлизи, Москвализиб, Россияла цархІилти шагъуртазиб хлерибури ва бузути, чула гІяхІси ахъри лебти мухІентази школализи башути дурхІнала бегІтас кумек бирахъусири. Илгъуна баркъуди Ахъушала, Усишала, Тіебекмахила, ХІерхмахила ва цархІилтира шимала СПК-бас бекІдешдирутанира гІеббуциб.

УркІецІичерси адам сарри ПатІимат Аминовна. Илини бехІбихъуд кабихъиб Каспийск шагъарлизибси арадешлизиб нукъсандеш лебти дурхІнала интернатлис кумек бирнила гІядатлис: сари директорла заместительли рурси Мухлела лицейла учительтала ва бучІантала къайгъиличил шилизирад палтар, продуктуни, арц дучили, интернатлис дурхъутири. Ил баркъуди гІебасибтира гІурра чумал ши диуб районнизир.

ГІябдуллаевани халаси хІянчи бариб Ахъушала районнизи бузес бакІибти урусла миллатла учительти ва цархІилтира специалистуни гІячихъбирнила шайчиб,--гъарил шилизиб бузути районна хъунул адамтала Советла члентас хъарбаркъ бедили, баянти дучибтири. Илала къайгъиличил гъар дус апрельла 30-чиб Мухлела шилизибадти гІилмула доктортачил ва кандидатуначил гъунибаъни дурабуркІуси гІядатра кабизахъур. Мухлела шилизибадти ЧебяхІси ВатІа дявтала бутІакъянчибачила баянти дурчнила баркъудилизира халаси пай кабихъиб.

--ЦархІилван биэсра хлебирар, сенахІенну дила дудешра, дудешла узбира, нушала наслулизибад гІурра чумилра адам ВатІан багъандан бургъули калунти саби.-- или ирусири ГІябдуллаевани. Сунела узби-рузбас, дурхІнас, жагІилтас--лебтасалра ПатІимат гІибрат сарри адамдешла, намус-хІяяла, кагибдешла ва ВатІайс мардешла шайчир,--чебяхІбири улкализиб лебси гІяхІси ибси, гапдири гъабзадеш, бурсибери бучІанти Россияла тарихла хІурмат бирахъес.

ГІябдуллаева чекаризурсири рурсбазир адаб-хІяяла къиликъуни адилкъниличи, хлейгахъи урузбиэс хлебалути хъунул адамти. Сунела пикрира гІелахлебуцили бури.

Цагъачам МяхІячкъалализибад бакІибти жавабла хІянчизартани районна активличил гъунибаъни дурабуркІухІели, гІяхІлазирад цали буриб республикала культурала колледжлизи ва культурала факультетлизи каберхес дубурла шимазибад рурсби камли башули сабину, Ахъушала районна хъунул адамтала Советлира ил масъалаличи пикри бяхІчаэс гІягІнили саби или.

Аминовнани ишкъяйда жаваб бедиб:

--Гъала-гъала пикри бяхІчаэс гІягІнили саби Дагъиста сценаличи: далай бучІулра или, байхъу-гъаргли дуцІтІяхІбикІутала селалра мягІниагарти вяв-чІярли дубурлан хъунул адамличила пикрицунра ахІи, цахІнабли миллатла культурала мягІнара заябирули сабину, илгъуна тяхІяр лебалли хІушала хъарбаркъ бетерхахъес хлерирус.

Заллизибти Аминовнала гъайлис хъатбикІесбяхІиб...

Хъумартес хлейрар ПатІимат ГІябдуллаевала къайгъиличил, культурала, спортла, багъудила, жагІилтала политикала управлениебала хІянчизартачил дарх хІядурдирути ва Ахъушала шилизибси культурала КІялгІяла зал бицІибти бутІакъянчибачил дурадуркІути балбуцунуи--«Нешани--ара-сагъти гІямругІебли!», «Хъунул адамти--терроризмаличи къаршили!», «Нушаб наркотикуни гІягІнили ахІен!» ибти умачил детурхути.

Дигахъи нешла мезличил дурадурхъути газетаби, журналти, «Гъалмагъдеш» альманах, кумек бири даргала писательтала сагали дурадурхъунти жузи дицахъес. Жузи дицес бетхІеалли--лерилра сунени асили, гІур сунела гъамтас, барх бузутас пешкешдирусири.

--Дила дудешла узи Сагид ГІябдуллаева рухІ разидарес багъандан илгъуна бирусира, дахъ сунес ахІерти саррину нешла мез!--рикІусири.

ХІера, гъанна сунела рухІ разидарес багъандан ПатІимат Аминовначила гІяхІти гъай дурес замана бакІили! Урусла халкъла бурала леб «Сунела мер цархІилли, буцес хлейэси адам левси ахІен» ибси. ХІебалас, ил пикри бархъсил ахІенал. Амма ПатІимат Аминовнагъуна адам къалли жявли варгес хлейрар--хІялалли, бархъдеш бузахъули, гІяхІси пикри уркІилабли, цархІиллис гІяхІси баресцун къасличил гІямру деркІибси!

Районна центрлизи бакІес чула бетхІерути Мухлела шилизибти адамтани ГІябдуллаевачи хъардирути къуллукъуни дири ва илдазибад цалра убкахІелахъес къайгъилизир рири.

Рах-рахли районна газетала редакциялизи рухІнарулхъи, ишаб бузутас гІяхІси гъай мяштІхлебири, масхара бурили, дукардахІяхъили, разидарили арраши.

--Хъурабара, Аминовна, карири чайла бержес!--ирули дирехлери.

--Замана агара. Гъачамлис чумилра мер лер рукъес гІягІни ти.-- или жаваб луги.

--Дявтачила кинобазивси Жуковлагъуна саби хІелатяхІярра--Жуковлара хлебирар чайла бержес замана!-- Нушала илгъуна масхараличи дукарряхІили, ирусири:

--Вари, рурсби, шукрудикІеная дявти агниличи!

Гъанбиркур, сецад къакъаракІибсирил Сириялизи Россияла гІяскурти дукибхІели. «Рахли кІиибил Афганистан бетхІеэс Сирия?! Путин духуси адам сай, бетхІеахъесгу!» рикІусири.

Дахъал гъандушес вирар Аминовнала гъай. Аварагарси адам ахІенри ил, гъар секІайчи уркІиизуси, дурхІнала челябкълаличила пикририкІуси, халкъличиб къиян биубли хлейгуси адам сарри.

**...«ВебкІиб» эс саб гъамадли,
АхІен гІур чарулхъули,
Сунечила бурала
Саб даимлис кавдули.**

**ГІяхІси барес вирули,
Вайси хлебарибсила
Саб гъарли-марси игъбар,
БихІибси гІяхІла хабар!**

...БацІикавхъун чатІала пукъа. Ардякъун дусми. Каберхур гІямрула гъуни. Бунагъ-хатІа урдуцаб сунела, жигарси, духуси, адамтачи дигила регІ ПатІимат Аминовнала! «Гъариллис къадарбиалли илкъяйдали арукъес--хІябилра гІяхІил биэс!»-- белкІла ахирлизиб илгъуна пикри саби бекІлизи лябкъуси...

П. МАЛЛАЕВА.

БАЛГА-Т1ЯГ1ЯТ САБИ

Аллагъ вик1ули сай: «Набзи х1ушани балга барая, нуни х1ушаб жаваб лугас!»

Нушала идбагли (с.т.г1.в) буриб: « Аллагъ вик1ули сай: «Ну урузк1ус дила лагъли балгалис ахъдуцибти някъби дац1ли чардатес».

Г1урра нушала идбагли (с.т.г1.в) иб: «Балга бируси бусурман адамлис, сунелара балгализиб вайси агарси, бунагъла сек1ал, гъамтала гъамдеш чеббяхъни агарси биалли, Аллагъли сунес х1ябал журала г1ях1дешуназибад ца биалра г1ях1деш х1ебедили ках1евлан». Цаибил г1ях1деш-бусяг1ят балгалис жаваб бедни; к1иэсил- ахиратлизиб х1яжатси кабихъни; х1ябэсил-сунезибад кабиркуси вайдеш чарбарни.

Балгалис жаваб лугнила адабтазирад сари ишди г1ергъи гъандушибти;

--Аллагъ урк1илавли барни;
--бисмиллагъличил бех1бихъили, Алх1ямдуллилагъличил таманбарни;

--балгализив якъинни жавабличи хъулик1ни;
--балгализив чеветаъни, жавабличи къалабах1ейк1ни;
--балга бирух1ели царх1илти пикруми урк1ила х1ерцни;
--балга гъарзадешлизибра къияндешлизибра бирни;
--Аллагълизи ах1и тиладих1ебирни;

--масличи, чархличи, агълуличи зараллис балга х1ебирни;
--балгализив ахъли вях1ейк1ни (вeг1ла вeг1лис бирух1ели);
--бунагъличи мук1урвак1ни;
--бунагъуни урдуцахъес тиладибирни;
--лебсилчи шукрубарни;
--дугъби каргъурли детаахъурли, ахирлизирти х1урпри далдикахъес къайгъих1ебирни;
--Аллагълизиwad урехиличил улгни;
--урх1иличи барибси зулмулис, урх1ла беркунсилис х1екъ чарбатни;

--балга бирух1ели Къиблаличивях1 калзни;
--балга бирух1ели някъби ахъдуцини;
--ахърибак1алли дазала лерни виъни;
--Аллагъла уми гъандуршули улгни;
--букуси, бужуси, челгъуси х1ялалси биъни;
--гъамдеш дехъахъес балга х1ебирни;
--г1ях1силчи амру барни;
--вайсилизибад мях1камдеш барни;
--бунагъунази х1ейкес къайгъи бирни.

Балга гъарилли сунени, сунела урк1ила х1ял х1ясибли, ик1ди чедир гъандушибтира х1исабдарили бируси саби. Аллагълизи тиладира т1яг1ят саби.

Ахъушала Халамижитла имам Г1ябдуллагъ-Х1яжила балгализибад бут1а.

Я дурхъаси Аллагъ, х1у чевурхан сайри, чевверхни дигусира сайри. Нушачивад чевверхигу, бархъси бархъли чебаахъагу, бархъсилис г1еларад дукъесра къадарбарагу, балк1исилизирад гъарахъдарабагу, бусурмантира бусурман-дешра черях1дарагу!

Я дила Аллагъ, нушала динра сагъли калахъен, нушала дурх1нира аралли калахъен, бусурман узби-рузбира арасагъли бих1ен, нушала урк1ибир динниччи кайзахъи, нушала дурх1нала урк1ибир динниччи кайзахъи. Нуша, х1ези тиладик1ути зяг1ипти инсантти, нушала някъби дац1ли мадалтад, Аллагъ! Нушала г1ямал х1ясибли жазаъ х1ебарили, х1ела ур-

к1ециличилиби жазаъ барагу, Аллагъ!

Дунъяла, шайт1а, гъар журала макру-г1ямултазирад дерцахъабагу, Аллагъ! Дубк1ух1ели имайчил дебк1нира къадарбарагу, Аллагъ! Мункар-Накирла суалтас жавабтаци дархъдизахъабагу, Аллагъ! Расулудлагъ шафаг1ятвиахъубли, Расулудлагъла байрахъла удир авцесра насиббарагу, Аллагъ! Лебилра бусурмантачирад къиян-жапа, балагъ-къадар черардукагу, Аллагъ!

Нушани бируси г1ямал х1у багъандан бетаахъурли, нушаб кери баахъагу, Аллагъ! Нушала ишбарх1илис гъаларти бунагъуначивад чевверхурли, гъаннала г1ергъи х1у разивизиси г1ямайчи дархъаабагу, Аллагъ!

Чули нушачи балга хъар-барибтала, чула нушачиб х1екъ калунтала, нушази г1ях1си багъахъуртала бунагъ-хат1аличивад чевверхигу, Аллагъ! Бусурман дин чебях1барагу, Аллагъ! Бусурман диннис икъала барибси чи виалра, илис икъала барагу, Аллагъ! Бусурмантала бух1наб динра, дигира, узидешра, гъамтала бух1наб разидешра тавфикъбарагу, Аллагъ!

Бусурманти вайти хасиятуназибад, хъулкидешлизибад, зинакардешлизибад, царх1илис вайси бирнилизибад, риба букнилизибад, ургар мез дихнилизибад, г1елаб гъайбик1нилизибад, гъимикъяслизибад, хамдешлизибад, бусурман динниччи далх1ей-

кибти, х1у разих1ейрути, нушала Идбагли (с.т.г1.в) асу-х1едарибти баркъудумазибад гъарахъбарагу, Аллагъ!

Я раббил г1яламин, Аллагъ, дунъяличив х1у вагънира гили, ахиратлизиб чевънира гили, разидарабагу, Аллагъ! Дунъяла балагъуназирад, ахиратла г1язабтазирад дерцахъабагу, Аллагъ!

Аллагъума салли г1яла Мух1яммадин ва г1яла али Мух1яммадин васалим би х1урмати Къуръани ва би х1урмати сирри суратил Фатих1я (г1ур алх1ям буч1а).

Мях1яммадов Мях1яммад Зайнудиновичли бусурман динна чебк1ад цалабяхъибси жузлизибад касибси саби.

Культурала х1янчизарти

Х1ЯНЧИ ДИГУСИ

Муъминова. Илини Аметерк1махъилизибси школализир гех1ел класс тамандарили, к1ел дус Т1ебекмахъила урга даражала школализир руч1ули, 10 класс делч1ун. Культурала К1ялг1ялизир детурхути шадлихъуначир, байрумтачир, фестивальтачир ил гъаман чераэс вирар. Ил делхъла уста сари, фольклорла шайзирад дебали пагъмучерси адам, някъла х1янчурбалара г1ях1си уста сари. Илини сунела коллективличил дарх дарибти някъла х1янчурбала выставкабири диру, районна дух1нар ва дурад детурхути

форумтачир, шадлихъуначир чераэс вирар. Гулжагъан малх1ямси, жавабкарси х1янчизар сари, ил ралути адамти иличила гапбик1ар. Илини сунела шилизиб ва сунечил барх бузути культурала х1янчизартала ургаб х1урмат сархиб. Ил сунела саниг1ятличи дебали ралрикибси адам сари.

Гулжагъан Муъминова Мях1ячкъала шагъарлизир, районна ва республикала къадрила детурхути шадлихъуначир, байрумтачир, выставкабазир жигарла бут1акъяндеш дирнилис

культурала управлениела шайзирад чумал Х1урматла грамоталичил, дипломтачил шабагъатларарили сари. Ахъушала районна культура гъалабях1 башахъес суненира халаси пай кабирхъули сари.

Гулжагъанни авал урши-рурси абикуьур, илдас г1ях1си бяркъ бедиб, чебях1си даражала багъуди касахъиб.

Гъанна илдала дурх1ни абикуьахъес, илдасра г1ях1си бяркъ бедес къайгъибирули сари.

Х1едра х1ела дигутасра г1ямрулизир ва бузерилизир дахъал сархибдешуни диаб!

С.Г1ябдуллаева, нушала корр.



Аметерк1махъила шилизибси культурала Юртла художественный руководи- тельни 1978-ибил дусличи- рад рузули сари Гулжагъан

Х1УРМАТ САРХИБСИ

Зубайдат Г1ялиева 1969-ибил дуслизир Бутрилла шилизибси школализи рякъунсири, илар 8 класс тамандарили, районна центр-лизибси урга даражала школализир заочно руч1ули, 10-ибил класс таманбариб. Илар руч1ули лералли ил колхозлизир рузес рех1рихъиб, 1984-ибил дусличи бикайчи рузули калун. 1985-ибил дуслизир ил районна центрлизибси культурала К1ялг1ялизир автоклубла заведующаяли рузес рех1рихъиб. Мях1ячкъала шагъар-лизибси культурно- просветительское училищелизира карерхур заочно.

1989-ибил дуслизир ил

Бутрилла шилизибси культурала Юртлизи художественный руководители шурра-риб, гъаннара илар рузули сари.

Зубайдатли Мях1ячкъала шагъарлизир, республикала, районна дух1нар детурхути шадлихъуначир, байрумтачир, фестивальтачир, форумтачир, культурала управлениела ва районна г1ямрулизирра жигарла бут1акъяндеш диру. Ил г1ях1си делхъла уста сари, Бутрилла шилизибси фольклорный коллективличил парх, миллатла палтуртира чегъурли, гъаман чераэс вирар.

Культурала Юртлизир жура-журала кружокунира

дузахъу, «Умелье руки» бик1уси някъла х1янчурбачи, делхъличи дурх1ни бурси-бируси ва царх1илтира.

Зубайдат малх1ямси, сунечи хъарси х1янчи чебета-ахъили, жавабкардешличил бетурхахъуси, коллективли-зир ралрикибси, культурала х1янчизартала ва Бутрилла шила халкъ - ургаб х1урмат сархибси сари. Зубайдат чумал Х1урматла грамотали-чил, дипломтачил шабагъат-ларарили сари.

Сархибдешуни диаб х1едра, х1ела дурх1насра, ара-деш, гъарбизуни, цабалгун-деш имц1адик1аб!

Г1. Сабият.



Бутрилла шилизирадси Г1ялиева Зубайдат ак1убси сари г1ях1си, халаси хъали-барглизир. Илала дудеш Х1ясан Г1ялиев Чебях1си Ваг1а дявтала бут1акъянси сайри, неш Г1яшура Къурбанова колхозлизир рузули калун.



ГАЗЕТАЛА
БЕК1 РЕДАКТОР
П.Ш.МАЛЛАЕВА
8-260-21-2-20



БЕК1 РЕДАКТОРЛА
ЗАМЕСТИТЕЛЬ
М. М. МЯХ1ЯММАДОВ.
Тел. 8928-872-58-85



АДРЕС:
368280
АХЪУШАЛА РАЙОН,
АХЪУШАЛА ШИ.
«БАРХЪДЕШЛА ГЪУНИ»
ГАЗЕТАЛА РЕДАКЦИЯ.
сайт: путь истины.рф
эл.почта:put-istiny@mail.ru



ГАЗЕТА
КАБЪАХЪИБСИ САБИ
МЯХ1ЯЧКЪАЛАЛИЗИБСИ
«ИЗДАТЕЛЬСКИЙ ДОМ
ДАГЕСТАН»
ТИПОГРАФИЯЛИЗИБ.
АДРЕС:
ИЗДАТЕЛЯ И ТИПОГРАФИИ:
РЕСПУБЛИКА ДАГЕСТАН
ПР. ПЕТРА ПЕРВОГО, ДОМ №61
ТИПОГРАФИЯ «ИЗДАТЕЛЬС-
КИЙ ДОМ ДАГЕСТАН»
Т. 88722-65-00-51.



ГАЗЕТА
ЖУМЯГ1 БАРХ1И
ДУРАБУЛХЪУСИ САБИ



КЪУЛБАСБИРУСИ ЗАМАНА
17 СЯГ1ЯТ.
КЪУЛБАСБАРИБСИ
ЗАМАНА 17 СЯГ1ЯТ.



АВТОРТАНИ
ЧУЛА МАТЕРИАЛТАЛА
Х1ЕКЪДЕШЛИС ВА
БАРХЪДЕШЛИС ЖАВАБ
ЛУГУСИ САБИ.



ГАЗЕТАЛИС
КЪУЛБАСБАРЕС ВИРАД
ДИГАЛЛИ ПОЧТАЛА
ОТДЕЛЕНИЕБАЗИБ,
ДИГАЛЛИ РЕДАКЦИЯЛИЗИБ.
ГАЗЕТАЛА ИНДЕКС 51345



Тираж 1000 экз.